

古逸丛书

市上造古

金澤文庫

春秋穀梁傳宣公第七

○名捷子赤疾兄
匡王五年即位

范甯集解

元年春王正月公即位繼故而言即位與聞乎故

也

○與門音豫
下注亦同

○公子遂如齊逆女

不譏喪娶者不待貶
絕而罪惡自見相三

年傳曰逆女親者也使大
夫非正也○自見賢徧反

三月遂以夫人婦姜至自齊

其不言氏喪未畢故略之也

夫人不能以禮
自固故與有貶

其曰婦

緣姑言之之辭也遂之摯由上致之也

上謂宣公○
摯苦結反

○夏季孫行父如齊○晉放其大夫胥甲父于衛

放猶屏也

屏除稱國以放放無罪也○公會齊侯于

平州

平州齊地離
會故不致

○公子遂如齊○六月齊人取濟

西田內不言取言取授之也以是為賂齊也

宣公弒
立賂齊

以自輔恥賂之故書齊取○秋邾子來朝○朝直遙反○楚子鄭人侵陳

遂侵宋遂繼事也○晉趙盾帥師救陳善救陳也

○盾徒本反○宋公陳侯衛侯曹伯會晉師于栢林伐鄭

栢林鄭地○栢芳尾反又音匪列數諸侯而會晉趙盾大趙盾之事也

大其衛中國攘夷狄○其曰師何也據言會晉師不言會晉趙盾以其大之

也以諸侯大趙盾之事故言師師者衆大之辭于栢林地而後伐鄭疑辭也此

其地何則著其美也秦曰夫救災恤患其道宜速而方去會于栢林然後伐鄭狀似伐鄭有疑須會乃定

曰非也欲美趙盾之功故詳錄其會地○冬晉趙穿帥師侵崇○穿音川○晉人

宋人伐鄭伐鄭所以救宋也時楚鄭侵宋

二年春王二月壬子宋華元帥師及鄭公子歸生

帥師戰于大棘宋師敗績獲宋華元大棘宋地○華戶化反獲

者不與之辭也

華元得衆甚賢故不與鄭獲之

言盡其衆以救其將

也

先言敗績而後言獲知華元得衆心軍敗而後見獲晉與秦戰于韓未言敗績而君已獲知晉侯不得衆心明矣○盡子忍反

以

三軍敵華元華元雖獲不病矣

何休曰書獲皆生獲也如欲不病華元當有變文鄭君

釋之曰將帥見獲師敗可知不當復書師敗績此兩書之者明宋師懼華元見獲皆竭力以救之無奈不勝敵耳華元有賢行得衆如是雖師敗身獲適明其美不傷賢行今兩書敗獲非變文如何○秦師伐晉○夏晉人宋人

衛人陳人侵鄭○秋九月乙丑晉趙盾弑其君夷

臯穿弑也

穿趙盾從父昆弟

盾不弑而曰盾弑何也以罪

盾也其以罪盾何也曰靈公朝諸大夫而暴彈之

暴殘暴○朝直逼反

觀其辟丸也趙盾入諫不聽出亡

至於郊

禮三諫不聽則去待放於竟三年君賜之環則還賜之玦則往必二年者古疑獄三年而後斷易曰繼用徽纆示于叢棘

三歲不得凶是也自嫌有罪當誅故三年不敢去○辟音避竟音境玦古穴反杜元凱云如環而不連斷丁亂反微許歸反纆亡北反微纆皆

繩也三股曰徽兩股曰纏趙穿弑公而後反趙盾招使史狐書賊

曰趙盾弑公史國史掌書盾曰天乎天乎予無罪告天

言已無弑君之罪孰為盾而忍弑其君者乎迴已易他誰作盾而當忍弑君者乎孰

為盾絕句孰誰也史狐曰子為正卿入諫不聽出亡不遠君

弑反不討賊則志同志同穿也志同則書重非子而誰

盾是正卿又賢故言重故書之曰晉趙盾弑其君夷臯者過在

下也鄭嗣曰成十八年晉弑其君州蒲傳曰稱國以弑其君君惡甚矣然則稱臣以弑罪在臣下也趙盾弑其君不言罪而曰過者

言非盾親弑有不討賊之過惡甚如字又烏路反曰於盾也見忠臣之至於許世

子止見孝子之至仰曰盾以亡不出竟反不討賊受弑君之罪忠不至故也止以父病不知嘗藥受弑父之

罪孝不至故也見忠賢徧反或如字下同冬十月乙亥天王崩匡王

三年春王正月郊牛之口傷之口緩辭也傷自牛

作也

牛自傷口非備災之道不至也故以緩辭言之

改卜牛牛死乃不郊事之

變也

牛無故自傷其口易牛改卜復死乃廢郊禮此事之變異○復扶又反

乃者亡乎人之辭

也

譏宣公不恭致天變

猶三望

○葬匡王

○楚子伐陸渾戎渾

戶門反又戶困反

○夏楚人侵鄭○秋赤狄侵齊○宋師圍

曹○冬十月丙戌鄭伯蘭卒○葬鄭穆公

四年春王正月公及齊侯平莒及邾莒人不肯及

者內為志焉爾平者成也不肯者可以肯也

凱曰君子不念

舊惡况為大國所和乎○郊音談國名也

公伐莒取向

向莒邑○向書亮反

伐猶可取向

甚矣

以義兵討不平未若不用兵以義使平者也故曰猶可也

莒人辭不受治也

乘義取邑所以

不伐莒義兵也

討不釋怨

取向非也乘義而為利也

為

如字又于偽反

○秦伯稻卒○夏六月乙酉鄭公子歸生弑

其君夷。赤狄侵齊。秋。公如齊。公至自齊。冬。楚子伐鄭。

五年。春。公如齊。夏。公至自齊。秋。九月。齊高固

來逆子叔姬。諸侯之嫁子於大夫。主大夫以與之。

婚禮主人設几筵于廟以待迎者。諸侯大夫尊卑不敵。故使大夫為之主。迎魚敬反。來者。接內也。不正

其接內。故不與夫婦之稱也。來者謂高固高固齊之大夫而今與君接婚姻之禮故不

言逆女。稱尺證反。○叔孫得臣卒。○冬。齊高固及子叔姬來。

及者。及吾子叔姬也。為使來者。不使得歸之意也。

高固受使來聘而與婦俱歸。故書及以明非禮。莊二十七年冬杞伯姬來。僖二十八年秋杞伯姬來。皆不言所及。是使得歸之意。受使所更

反。○楚人伐鄭。

六年。春。晉趙盾衛孫免侵陳。此帥師也。其不言帥

師何也

據元年趙盾帥師救陳言帥師也

不正其敗前事故不與帥師

也

元年救而今更侵之

夏四月。秋八月。螽。

冬螽音終

冬十月

七年春。衛侯使孫良夫來盟。來盟者。前定也。不言

及者。以國與之。不言其人。亦以國與之。不日。前定

之盟。不日。夏。公會齊侯。伐萊。

萊音來國名

秋。公至自

伐萊。大旱。冬。公會晉侯。宋公。衛侯。鄭伯。曹伯

于黑壤。

黑壤其地。壤人丈反。

八年春。公至自會。夏六月。公子遂如齊。至黃。乃

復。

蓋有疾而還黃齊地

乃者。亡乎人之辭也。

鄭嗣曰大夫受命而出雖死以尸將事今遂以

疾而還失禮違命故曰亡乎人言曾使不得其人也

復者。事畢也。不專。公命也。

遂以疾反而如

事畢之文者是

辛巳。有事于大廟。

大音泰下注同

仲遂卒于

垂

祭于大廟之日而仲遂卒垂齊地

為若反命而後卒也

先書復後言卒使若遂已反命

于君而後卒于垂

此公子也其曰仲何也疏之也

傳十六年傳曰大夫不言公子

公孫疏之也

何為疏之也是不卒者也

遂與宣公共弑子赤

不疏則無

用見其不卒也

若書公子則與正卒者同故去公子以見之見其賢徧反注同故去起呂反下文及注同

則其卒之何也

據公子翬不書卒子翬許韋反

以譏乎宣也其譏

乎宣何也聞大夫之喪則去樂卒事

去簫萬卒祭事言今不然

午猶繹猶者可以已之辭也繹者祭之旦日之享

賓也萬入去簫

萬舞名簫管也又祭也享許丈反簫餘若反管也

以其為

之變譏之也

內舞去簫惡其聲聞此為卿變於常禮是知其不可而為之為之于偽反注為卿變同惡其為路反

戊子夫人熊氏薨

宣公妾母左氏作嬴氏

晉師白狄伐秦

楚人滅舒鄧

舒鄧音了本又作夢國名也

秋七月甲子日有

食之既。冬十月己丑葬我小君頃熊。

文夫人姜氏大歸于齊故

宣公立已妾母為夫人君以夫人禮卒葬之故主書者不得以不為夫人義與成風同。頃熊音傾左氏作敬贏。

雨不克

葬。葬既有日。不為雨止禮也。雨不克葬。喪不以制

也。徐鯁曰案經文是己丑之日葬喪既出而遇雨若未及己丑而却期無為逆書此日葬禮喪事有進無退又士喪禮有潦車載簣笠則人

君之張設固兼備矣。禮先遷柩於廟其明昧爽而引既及葬日之晨則祖行遣奠之禮設矣。故雖兩猶終事不敢停柩久次。不為于偽反潦

音老。裴素禾反。笠音立。張如字。又陟亮反。柩其又反。庚寅日中而尸在棺曰柩。昧音妹。引以刃反。又如字。遣與奔戰反。

克葬而綏辭也。足乎日之辭也。城平陽。楚師

伐陳。

九年春王正月公如齊。有母之喪而行朝會非禮。朝直遙反。公至自齊。

夏仲孫蔑如京師。齊侯伐萊。秋取根牟。

八月滕子卒。九月晉侯宋公衛侯鄭伯曹伯會。

于扈。○晉荀林父帥師伐陳。○辛酉。晉侯黑殿肩卒

于扈。其地於外也。其日未踰竟也。外謂國都之外。諸侯卒於路寢則不地。傳

例曰。諸侯正卒則日。不正則不日。舊說踰竟亦不日。然則諸侯不正而與未踰竟無以別之矣。案襄七年鄭伯卒于操。此年晉侯卒于扈。文正與襄二十六年許男卒於楚。同恐後人謂操扈是國。故於疑似之際。每為發傳。日未踰竟也。○晉徒門反。竟音境。以別彼列反。操七報反。○

冬十月癸酉。衛侯鄭卒。○宋人圍滕。○楚子伐鄭

○晉卻缺帥師救鄭。○卻去逆反。○陳殺其大夫泄冶。

○泄息列反。治音也。稱國以殺其大夫。殺無罪也。泄冶之無罪

如何。陳靈公通于夏徵舒之家。公孫寧儀行父亦

通于其家。○二人陳大夫。○夏戶雅反。或衣其衣。或衷其襦。○衣

其衣上於既反。下如字。襦而朱反。在衷本又作裏音里。以相戲於朝。○朝直遙反。泄冶聞

之。入諫曰。使國人聞之。則猶可使。仁人聞之。則不

可。君愧於泄治。不能用其言而殺之。

十年春。公如齊。公至自齊。齊人歸我濟西田。公娶

齊。齊由以為兄弟反之。

齊由以婚族故還魯。魯曰爾雅釋親。曰婦之黨為婚兄弟。娶七住反。

不

言來。公如齊受之也。夏四月丙辰。日有食之。

己巳。齊侯元卒。

傳例曰言日不言朔食晦日則此丙辰晦之日也。己巳在晦日之下五月之上推尋義例當是

閏月矣。文六年傳曰閏月者附月之餘。且言閏承前月而受其餘。日故書閏月之日繫前月之下。蓋史策常法文有定例。閏有常體無嫌不明。故不復每月發傳。哀五年公羊傳曰閏月不書此何以書。推此言之。則春秋固有在閏月而不冠以閏者矣。至於閏不告月猶朝于廟。閏月葬齊景公不正其閏。無以言其事。故書見變禮。不復扶。又反下注復同不冠。工亂反。猶朝直遙反。見變賢偏反。

齊崔氏

出奔衛氏者。舉族而出之之辭也。

何休曰氏者。譏世卿也。即稱氏為舉族而

出。尹氏卒。寧可復以為舉族死乎。鄭君釋之曰云舉族死是何妖問甚乎。舉族而出之之辭者。固譏世卿也。崔杼以世卿專權。齊人惡其族。今出奔既不欲其身反。又不欲國立其宗。後故孔子順而書之曰。崔氏出奔衛。若其舉族盡去之爾。崔杼直呂反。惡其為路反。公

如齊。五月。公至自齊。癸巳。陳夏徵舒弑其君平

國。六月。宋師伐滕。月者蓋為下齊惠公。葬速起。為于偽反。公孫歸父

如齊葬齊惠公。晉人。宋人。衛人。曹人伐鄭。秋。

天王使王季子來聘。其曰王季。王子也。其曰子尊

之也。子者人之貴稱。稱尺證反。聘。問也。公孫歸父帥師伐邾。

取繹。音亦。繹。稱尺證反。大水。季孫行父如齊。冬。公孫歸父如

齊。齊侯使國佐來聘。饑。飢。本或作。飢居疑反。楚子伐鄭

十有一年。春。王正月。夏。楚子。陳侯。鄭伯。盟于夷

陵。夷陵。齊地。左氏作辰陵。公孫歸父會齊人伐莒。秋。晉侯

會狄于欒函。欒函。狄地。函音咸。不言及外狄也。所以異之於諸。夏。夏戶雅反。

冬。十月。楚人殺陳夏徵舒。變楚子言人者弑君之賊若。日人人所得殺也。其月謹之。此

入而殺也。其不言入何也。

據入國乃得殺

外徵舒於陳也。其

外徵舒於陳何也。

據徵舒陳大夫不應外

明楚之討有罪也。

經若

書楚子入陳殺夏徵舒者則入者內不受是無以表徵舒之悖逆楚子之得正。悖補對反。

丁亥。楚子入陳。入

者。內弗受也。日入。惡入者也。何用弗受也。不使夷

狄為中國也。

楚子入陳納淫亂之人執國威柄制其君臣偵倒上下錯亂邪正是以夷狄為中國。惡烏路反。偵丁田

反本又作顛邪似嗟反。

納公孫寧儀行父于陳。納者。內弗受也。

輔人之不能民而討猶可。

雍曰輔相鄰國有不能治民者而討其罪人則可而曰猶可者

明鄰國之君無輔相之道。輔相息亮反。下輔相同。

入人之國。制人之上下。使不得

其君臣之道。不可。

二人與君昏淫當絕而楚強納之是制人之上下。強其丈反。一音其良反。

十有二年春。葬陳靈公。

傳例曰失德不葬君弑賊不討不葬以罪下也。日卒時葬正也。靈公淫夏

姬殺泄治臣子不能討賊踰三年然後葬而日卒時葬何邪。泰曰楚已討之矣。臣子雖欲討之無所討也。故君子即而怨之以申臣子之恩。稱國以

殺大夫則靈公之惡不嫌不明書葬以表討賊不言靈公無罪也踰三年而後葬則國亂居可知矣非日月小有前却則書時不嫌○弑音試頁旁

雅○楚子圍鄭○夏六月乙卯晉荀林父帥師及楚子

戰于邲邲鄭地○邲皮必反晉師敗績績功也功事也日其事敗

也○秋七月○冬十有二月戊寅楚子滅蕭○晉人宋人

衛人曹人同盟于清清上衛地○宋師伐陳○衛人救陳

十有二年春齊師伐莒○夏楚子伐宋○秋螽○冬

晉殺其大夫先穀穀戶木反一本作穀

十有四年春衛殺其大夫孔達○夏五月壬申曹伯

壽卒○晉侯伐鄭○秋九月楚子圍宋○葬曹文公

○冬公孫歸父會齊侯于穀

十有五年春公孫歸父會楚子于宋○夏五月宋人

及楚人平。平者成也。善其量力而反義也。

各自知力不能相制反其

義和之

人者衆辭也。平稱衆。上下欲之也。外平不道。以

吾人之存焉。道之也。

吾人謂大夫歸父

○六月癸卯。晉師滅赤

狄潞氏。以潞子嬰兒歸。滅國有三術。

術猶道也。潞氏音路。嬰兒一盈反。

中國謹日。卑國月。夷狄不日。

卑國謂附庸之屬。襄六年傳曰。中國日。卑國月。夷狄時此。

謂三術

其曰潞子嬰兒。賢也。秦人伐晉。○王札子殺

召伯。毛伯。王札子者。當上之辭也。殺召伯。毛伯。不言

其何也。

解經不言殺其大夫。札側八反。召上照反。

兩下相殺也。兩下相殺。不志

乎春秋。此其志何也。矯王命以殺之。非忿怒相殺也。

故曰。以王命殺也。

以王命殺。謂言王札子殺召伯。毛伯。是知以王命而殺之。矯居表反。

以王命殺

則何志焉。爲天下主者天也。繼天者君也。君之所存